



● EDITORIAL ● RÂL VÊNGTU ● CHHÛNGKAW CHANCHIN

✦ Champhaiah Counselling Centre hawn a ni
✦ Pathianni serh kawnga Presbyterian Kohhran thuchhuah
✦ Lay Day 2014

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD *Newsletter*

Volume XXVIII

No. 369

E-mail : synodnews@gmail.com

JUNE, 2014

SYNOD EXECUTIVE COMMITTEE VAWI 251-NA THURÊL THENKHAT

Ruahman lâwk angin Synod Executive Committee (SEC) vawi 251-na chu June 3-5, 2014 chhûng khân JM Lloyd Hall, Synod Office-ah an thu. Synod Moderator Rev. K. Lalmuchhuakan rorel a kaihrui a, nikum (2013) Synod Inkhâmpui thurêl zînga SEC bawhzui tûra thu dah eng emaw zât rêl a ni a, a tam zâwk chu Synod Inkhawmpui 2014-a thlen leh tûr a ni.

SEC 251-na thurêl thenkhatte chu hetiang a ni:

1. Nikum Synod Inkhâmpuiin Synod hnuaia Kohhran hrang hrangte Letter Head in ang tlang hman chungchâng a lo rêl chu tûnah hian peih fel a ni ta.
2. Synod Finance Manager atân Upa Lalsâwmliana ruat a ni. Tûna a contract hun a hman zawh aţanga kum thum dang atân lâk a ni.
3. PC Girls School Headmistress chu pension-a a chhuah dâwn tâk avângin NI. Zaithanchhûngi, Teacher, PC Girls School chu Headmistress atân ruat a ni.
4. Synod hnuaia contract leh daily rate-a thawkte hlauh chu ennawna tihpun a ni a, June 2014 aţanga hman ţan tûr a ni ang.
5. Kum 2013-2014 Synod Audit Report leh Statement of Account chu thlîra pawm a ni.
6. Falkland Vênga Synod ram chu Central KTP Recreation Centre atân tih a ni.

7. Thântlâng Synod, Myanmar-in Mizoram Presbyterian Kohhran a ngen angin ₹ 2,23,400 (Chêng nuai hnih sîng hnih sîng thum leh zali)-a ţanpui remtih a ni.
 8. CMC&H, Vellore Council member atân Executive Secretary i/c Hospital leh Director, Synod Hospital ruat a ni.
 9. NEICC Executive Committee member (2014-2016) atân Rev. Lalzuithanga, Senior Executive Secretary ruat a ni.
 10. Hêng a hnuaia Kohhran 11 hnênah hian Presbyterian English School hawn phalna pêk a ni.
- | | |
|-----------------------------|----------------------|
| 1) Rulchâwm Kohhran | 2) Mualphêng Kohhran |
| 3) Vaikhawtlâng Kohhran | 4) Kelkâng Kohhran |
| 5) Lianpui Kohhran | 6) Dungtlâng Kohhran |
| 7) Maite Kohhran | 8) Hualtu Kohhran |
| 9) Armed Vêng South Kohhran | 10) Châlâng Kohhran |
| 11) Vaphai Kohhran | |

Thulâkna: Synod Secretary-te

CHAMPHAIAH COUNSELLING CENTRE HAWN A NI

Mizoram Presbyterian Kohhran rawngbâwlina pêng pakhat, Family Guidance & Counselling Centre (FG&CC)-in Champhaia Counselling Centre hawn tûra a lo ruahman chu Champhai Vêngthlang Kohhran Hall building-ah May 31, 2014 (Inrinni) chawhma dâr 10:00 khân Rev. P.C. Pachhûnga, Executive Secretary-in a hawng. He Centre-ah hian Rev. Lalhleia chu Counsellor-in a awm ang.

Counselling Centre thar hawn zawh hian Champhai khawpui chhûnga Pastor Bial pasarih huapin Champhai Vêngthlang Biak Inah Kristian Chhûngkaw Seminar buatsaih a ni a, Rev. P.C. Pachhûnga thu zîak zir ho a ni. May 31, 2014

(Inrinni) zân aţanga June 1, 2014 (Pathianni) zân thlengin Champhai khawpui chhûnga Kohhran 23-ah Kristian Chhûngkaw Campaign neih zui a ni a, campaigner, Aizâwl lam aţanga kalte chu – Rev. P.C. Pachhûnga, Exe. Secretary; Rev. R. Lalmingthanga, Director, FG&CC; Rev. Dr. R. Lalbiakmawia, Vênghlui; Rev. R. Lalêngzauva, Zonuam Bial; Upa Lalmuana Pautu, Leitan Ramthar; Upa Lalramhluna, Maubâwk; Upa Dr. Rothangliana, Kulikâwn; Pi Rochuangkimi, Châltlâng South; Rev. Jonathan Pachau, Counsellor, FG&CC; Rev. Lalhleia, Counsellor, FG&CC; Rev. Lalsângbera, Vaivakâwn Bial; Rev. C. Lalthanzâra, Mission Vêng; Rev. Lalchhandama, ATC leh T. Upa H. Lalchhandama, Office Assistant te an ni.

PRO PASTOR-TE INZIRNA : Kum tina tih ţhin angin Mizoram Synod hnuaia Probationary Pastor tharte inzirna (Pro Pastor Orientation) chu June 9-13, 2014 chhûng khan Synod Conference Centre-ah buatsaih a ni a, Pastor rawngbawlnaa thil pawimawh chi hrang hrang zir leh sawi ho a nih bakah thil hriat duh zawhna leh chhanna hun te hman ţhin a ni bawk.

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlungnunga (KCN)

Editorial

THAWH RIMNA

Khawvêla mi hlawhtling leh langsar tak tak kan tihhote hi mahni tâwk tâwka rim taka hna thawk thînte an ni chhawk. Zirlai zingah pawh zir taima leh rim taka beitu chuan result tha a nei nge nge thî. Kan Bible ngei pawh hian thawh rimna zawng zawnga hlâwkna a awm thu leh thawh rim atanga hlawh chhuah chu a pun tûr thu min hrilh a ni.

Tam takin 'hna a vâng' kan tih fona chhan hi kan thawh rim peih loh vâng a ni em aw? Min deptsu Burma, Manipur, Tripura leh Cachar atanga Mizorama ei rawn zawng an tam em em mai te hi hna a tam vâng a ni ngeiin a rinawm. Hêng hnam dangte hi chuan an thawk rim peih a, thawh hreh an nei vak baw lo va. Lehkha thiam hna hmu lo kan vah huai huai lai hian an lo thawk bawrh bawrh a, kum rei lo têah an intodelh mai thî. Ram changkang leh hausa kan tih tam tak pawh hi an thawh rim vâng a ni thî. Israel rama pêmho pawh khuan an thawh rimzia an sawi nasa thî hle. Hahdam taka pawisa lâk luh tuma bei thînhote hi ram hmêlma an tling tih hriat reng a pawimawh. Sawrkâr ngen chhan lova ei hmu thei tûra kan puan ven kan sawi chhîn chu a hun ta hle mai.

LEHKHABU TANGKAI TÛR

Synod Thurêl Lâk Khâwm (1991–2000), Rev. H. Remthanga buatsaih chu Synod Literature & Publication Board (SL&PB)-in a chhuah thar a; phêk 731-a chhah, ₹ 250 man a ni. Kohhran Library-a awm ngei atâna tha a ni a; rawngbâwtu, mahni puala lei thei tân lehkhabu chhawr nahawm tak leh ro tling a ni baw ang. Synod Bookroom-ah lei theihin a awm ta e. 1910–1970 chhûnga Synod thurêl lâk khâwm kha bu hnihin chhuah a lo ni tawh a, Synod thurêl lâk khâwm bu hi a dang pawh chhuah leh zêl tûra ruahman a ni.

Khawvêl huap pawha Kristian Thawnthu bu lâp tling phâk, 'Quo Vadis', Henryk Sienkiewicz-a ziah, Pastor Nîkhama lehlin pawh a vawi lina atân SL&PB-in chhuah thar leh a; Synod Bookroom-ah lei theihin a awm leh ta. ₹ 180 man a ni.

www.mizoramsynod.org

PATHIANNI SERH KAWNGA PRESBYTERIAN KOHHRAN THUCHAH

Kum 2013 Synod Inkhâwmpui chuan ram puma kan Kohhran leh rawngbâwtute dinhmun enin, Pathianni serh thu-ah kan zalên ta lutuk nia hriain, inkaihhruaina siam thar leh ni se, a ti a. He thu hi Synod Executive Committee kutah a pe a. A hnuaia thu hi kan Kohhran mi tinin inkaihhruaina atân kan han chhuah thar leh a ni e:

Pathianni: Pathianni hi Kristiante Chawlhni, Lal Isua, thihna hneha a thawhleha ni, ni sarih ni hmasa ber hi a ni a. He ni hi Kohhranin a huhova Pathian kan biakna, a thu kan zirna leh Amah kan chawimawina ni atân hman bîk a ni. He ni kan hman dân tûr chu hetiang hi a ni:

Pathian biak hona: He ni hi Sunday School-a Pathian thu zir nân te, Biak Ina Pathian bîa inkhâwm nân te, Biak In pân lamah pawh Pathian lamah thu leh hlaa inpâwl ho nân te hman thî tûr a ni.

Zin chungchâng: Natna leh thihna thil avâng te, zinna lama rokhawhna leh loh theih loh thil dang avângte tih lovah chuan Pathianni hi zin chhuah leh haw nân hman loh ni se.

Sumdâwn chungchâng: Sumdâwnna lam chi rêng rêng, hêng - dâwr hawn te, kal chhuaka thil zawrh te leh thil tenau zâwka kan ngaih lei leh hralh te hi Pathianni nê a inmâwi lo va. A hmaa lo tih lâwk theih chi apiang chu lo tih lâwk thî tûr a ni.

Inkhehl leh infiam chungchâng: Khêlmual leh inkhehlhna hmun dang, hêng Indoor Stadium, Sport Centre leh infiamna hmun atâna siam eng hmunah

pawh Pathiannia inkhehl leh infiam hian Pathian biakna rilru nasa takin a kaipêng thei a. Chuvângin he ni hi chu inkhehl leh infiamna lam chi rêng rêng tih nâna hman loh ni se.

Vântlâng Inkhâwm leh Committee: Pathian biakna leh Kohhran lam thî ni lo, chhan dang eng vâng pawha vântlâng inkhâwm buatsaih leh Committee kohte hi a theih hrâm chuan ni dang remchâng a tih thî a tha.

Hnathawh leh ruai buatsaih: Loh theih loh thî a nih ngawt loh chuan kut hnathawh te, ranpui talha zawrh leh ruai buatsaih te hi Pathianni nê a inmâwi lo va, tih loh a tha.

Hêng bâkah hian insûk, inkhâwm thulha damlo kan leh khawhar ina lên te, ramchhuah leh lui kal te leh Pathian biakna tikhawlo thei thî eng pawh Pathianni-ah chuan tih loh ni se.

Pathianni hi kan hman chhan ang taka Pathian biakna hun atâna hman a pawimawh a. Pathian biak inkhâwm ngai pawimawh tûr te, Pathian hminga inpâwl danga tel thî tûr tein Kristian zawng zawng kan inchah a ni.

ALUMINIUM MISTIRI TRAINING VAWI 2-NA

Synod Social Front hma lâkna chi khat Aluminium Mistiri Training chu a vawi hnihna tan a ni leh ta. Tûn tûm Aluminium Mistiri Training hi Synod Social Front, Freddy Enterprise leh V n V Industry tangkawpin an buatsaih tûr a ni a, training hian June hapta hnihna atângin thla khat leh a chanve chhûng a aw ang. Training nei tûr hian mi 22 lâk an ni a, training chawlhkâr khatna hi Theory-a zirna hun atân ruahman a ni a, chhûn lamah Instructor-ten an zir tîr an ang a, zân lamah Social Front Economic Cell member-ten hun an hmanpui thung ang.

NEICCYA BIENNIAL CONFERENCE-CUM-SEMINAR

North East India Christian Council Youth Assembly (NEICCYA) 15th Biennial Conference-cum-Seminar chu June 12-15, 2014 chhûng khân ECM Church of Vaihpi, Saiha-ah hman a ni a. Evangelical Church of Maraland (ECM) in an thleng a ni. Inkhâwmpui thupui chu 'Oneness in Christ' (John 17:20-21) tih a ni. Inkhâwmpui neih chhûng hian Mizoram Synod Choir-te tûm li lai an zai. NEICCYA-ah hian India hmârchhaka kohhran lian deuh deuh hnuaia Thalai Pâwl an tel hlawm a, Kristian Thalai Pâwl pawh hi chhûng zînga phusa ber pâwl a ni.

SYNOD REVIVAL MEET - 2014

Synod Revival Committee chuan June 20-22, 2014 chhûng hian Electric Vêng Kohhran Biak Inah Synod Revival Meet a buatsaih. Synod Moderator Rev. K. Lalhmuchhuaka te, Executive Secretary i/c Revival Rev. Lalzuithanga te, Synod Revival Speaker zîng atângin - Upa R. Lalhmachhuana, Pu C. Lalramthara, Pi P.C. Vanlalngahki, Upa L.H. Rohmingliana leh Upa K. Lalhunpuia ten Pathian thuchah an sawi a, thupui 'Lal Isua zui' (Lk 9:23) hman a ni. Inkhâwm bân apiangin zaikhâwm a ni a, Revival Speaker-ten an hruai thî a ni.



RÂL VÊNGTU

Mite chuan, “Râl Vêngtu, hmân deuh khân i chanchinbuah khân ‘Chhûngkaw Chanchin’ lam hi i rawn târ lang tam thei hle si a; tûnlai hian a va hân ta teh duak ve?” tiin an zâwt a. Râl Vêngtu chuan, “A ni tak asin, hmân deuh kha chuan chhuah sên loh khawp hian a rawn insehmr tuau tuau va, tûnah hi chuan dap khâwm fe a ngai ta. Thlarau lam in sak aiin hmuh theih lama in sakah kohhranhote an harh thar taah ka lo ngai deuh mai a. Pa pakhat pawhin fiamthu a thawh a, ‘Rawngbâwtute zîngah thlaru bo aia rod bo vei zâwk an tam ang tih hlauhawm tak a ni’ a ti asin! Chatuan daih lo tûr ai hian chatuan daih tûr lamah rilru pe lian zâwk ilang chuan kan chanchin pawh mi min hriatpui kan duh dâwn a nih hmêl khawp mai,” tiin a chhâng a.

Mite chuan, “Kan mamawh chawin min lo châwm e,” an ti a. Harh tharna tûr dik hriaa inngaiin phûr takin an tîin leh ta a.

ATC-AH ZIRLAI 155

Aizawl Theological College (ATC) chuan 2014 Session chu June 6, 2014 khan an tan leh ta a; zirlai 155 an awm dâwn. Hetiang hian – B.D. - 98; M.Th. - 51; D.Th. - 5; Special Student - 1. Heng bakah hian Bishops’ College nêna student exchange programme-a zirlai pahnihin ATC-ah an rawn zir baw ang. Doctor of Theology Programme-ah kumin hian New Testament leh Missiology zirlai an nei dâwn. Zirtîrtu (Faculty member)-ah Rev. Laldingluaia lâk thar a ni a; Rev. Dr. H. Vanlalauva leh Rev. Dr. Zaihmingshanga ten zirtîr hna (contract basis-in) an thawk baw ang.

June 19 & 20, 2014 hian ATC Annual Retreat hman a ni a; chhûn lamah Resource Person atân Senate of Serampore (Univ.) College Registrar, Rev. Santanu Patro-a hman a ni a; zan lam inkhâwmah Rev. Vanlalbelan thupui a sawi thung.

SYNOD HOSPITAL, DURLÂNG APRIL, 2014 CHHUNGA THILPÊK DAWNTE

I. CHARITY FUND

1. C.T. Industry, Kulikawn	Rs. 5,000/-
2. Pu Lalsanglura, Durtlâng Mêl 5,	Rs. 1,000/-
4. Pu Lalnunsanga, Durtlâng Dawrkawn	Rs. 1,500/-
5. Pu Laldanglova te chungkua, Durtlâng Mêl 5	Rs. 2,000/-
8. Pu P. Lalhlengliana, F/o Zothanpuia, Mamit H/S Veng	Rs. 1,000/-
9. Ratu Bial Kohhran Hmeichhia	Rs. 5,000/-
11. Pu Rosawmliana, Durtlâng Leitan	Rs. 1,000/-
13. KTP, Zemabaw Pastor Bial	Rs. 10,000/-
14. Serchhip Chhim Vêng Kohhran Hmeichhia	Rs. 2,000/-
16. Model Veng Presbyterian Kohhran	Rs. 9,545/-
17. Pu J.N. Thangkima, Lunglei Chanmari	Rs. 2,000/-
18. Upa H.Lallawmzuala, Serchhip Vêngchung	Rs. 5,000/-
20. Pu Dârhmingthanga, Champhai Vêngthlang	Rs. 1,200/-
21. KTP, Champhai Kahrawt Bial	Rs. 7,350/-
22. KTP, Sangau Bial	Rs. 3,000/-
23. Assam Rifles Kohhran, Aizawl	Rs. 2,500/-
24. Hming thup	Rs. 1,000/-

II. THISEN PETE

1. KTP, Muallungthu Bial	78 Unit
2. KTP, Hortoki Bial	80 Unit
3. KTP, Zemabaw Bial	112 Unit
4. KTP, Leitan Bial	56 Unit
5. KTP, Dawrpui Vengthar Branch	43 Unit

Pek zât

III. THILDANG PETE

1. Chaltlang Bial Kohhran Hmeichhia	Oxygen Concentrator lei nan Rs. 50,000/-
2. Kanmun Bial Kohhran Hmeichhia	Grace Home tan Rs. 3,000/-
3. Bethlehem Bial Kohhran Hmeichhia	Grace Home tan Rs. 12,000/-
4. Luangmual Bial Kohhran Hmeichhia	Rs. 20,000/-
5. Group 'A' Coordination Committee, Govt of Mizoram	Infant Warmer lei nan Rs. 1,00,000/-
6. Kanhmun Bial	Rs. 3,000/-
7. Zote South Ramthar Committee	Hmunphiah 60
8. KTP, Sateek Bial	Hmunphiah 170
9. Ms. Rebecca Lalmawizuali, Sister Tutor, Synod Hospital	Nursing School tan Refrigerator 1
10. Pu Richard Hmingliana, Durtlâng	Private Ward atan Blanket 5
11. Pu H. Sapkunga, Sihphir, Muanna Veng	Hmunphiah 50
12. Serchhip Chhim Veng Kohhran Hmeichhia	Hmunphiah 30
13. KTP, North Lungpher Branch	Hmunphiah 54
14. KTP, Lungpho Bial	Hmunphiah 92
15. Kelkang Bial	Hmunphiah 200
16. Zorem Steel Works	NCB tan Steel Almirah 1

Khawngaihna leh duhsakna avânga kan Lalpa Isua Krista hminga thilpêk min petu zawng zawngte hnênah kan Lalpa Isua Krista hmingin lâwmthu kan sawi tak meuh meuh a ni.

Sd/- REV. R. RAMDINMAWIA
Chaplain (Sr.), Synod Hospital.

LAY DAY 2014

Aizawl khawpui huam chhûnga Synod hnuiaia thawkte inhlâwm khâwmna pâwl pakhat, “Synod Lay Workers’ Fellowship” (SLWF) chuan kum tina an hman thîn intawh khâwmna (Annual General Meeting, ‘Lay Day’ tia sawi) chu May 30, 2014 (Zirtâwpni) khân nilêngin Synod Higher Secondary School, Mission Vêngthlang an hmang.

Chawhma lam ‘Hun Urhsûn’ an tih chu Pu C. Hmingthanzâma, Vice Principal, Synod Higher Secondary School-in a kaihrui a; Tanna, Secretary Report leh Treasurer report-te ngaihlâk a nih zawhah nikum leh kumin Lay Day inkâra member thi Pu F. Darthuama (Synod Press-a thawk thîn) sùna hun hman a ni a. Hemi zawhah hian Rev. K. Lalhmuchhuaka, Synod Moderator-in thuchah tawi a sawi a, Synod hnuiaia thawktute chu Pathian rawngbâwna hnaa inpe an nih anga khawvêl hna thawktute dinhmun nêna inkhaikhin ching lo tur leh, an nihna nghet taka inpawma, lungawina nêna rawngbâwl hna thawk tûrin a fuih a ni.

Pu Zadâwla, Pathian thu hriltu hlunin Lay Day thupui, ‘Inpumkhatna’ tih a sawi a, inpumkhatna a awm theih nân mi tinin mahni pianpui zia ken tlang tum tlatna bânas a ngai tih te, chapona leh mahni hmasialna laka fihlîm a pawimawh tih te leh rilru zau, mi dangte ze t̃ha lo lai ber nia

ngaih pawh leng nun neih a t̃ul thu te a sawi. Synod Secretary Upa H. Zolanan SLWF hruiatu thar hlanna hun a hmang a; Pension kum an tawng avânga kumin kum t̃ira an hna a t̃anga pension-a chhuak member pariat hnênah ngaihhruina thilpêk hlan a ni baw. Chawhnu lamah Upa K. Roseia kaihhruaiin ‘Hun Zângkhai’ hman a ni a, thu leh hla lama intihhlîmna hun a nih angin hlim tlang takin an hmang. Tlaiah Lay Day ruai k̃il ho a ni.

Synod hnuiaia Lay Worker-te hi t̃unah hian an vaiin member 924 zet an ni a, Synod Hospital-in member an ngah ber a, 371 an lai nei. Kum 2013 chhûng khân SLWF hian Synod Hospital Charity Fund atân Rs. 58,105/- an pe a. Kum hmasa lama an lo tih tawh angin member-te thawh khâwm Rs. 95,650/- chu Hospital Charity Fund atân Hospital hotute hnênah an hlân ng̃hâl baw.

SLWF hruiatu thar, 2014-2017 chungga t̃ang tur ruat thar an ni a, Lay Assistant 15 ruat thar an ni baw.

SYNOD HIGHER SECONDARY SCHOOL HSLC & HSSLC RESULT 2014

Exam zat	HSLC
Passed	159
Percentage	92.44%

Exam zat	HSSLC (Science)
Passed %	87%
Top Ten	1

Exam zat	HSSLC (Arts)
Passed %	85.61%
Top Ten	2



SYNOD ENDOWMENT FUND PETUTE LEH PÊK ZÂT (wef 01-30 April, 2014)

Pawlrang Kohhran chuan Dt. 28 April - 8 May, 2014 chhûng khân Pu K. Lalngaihawma, Milungngaithe Thian Team speaker-a hmangin camping an buatsaih a. Camper 176 lutin pâwl dang aţangin mi 24 an lut baw. Kohhranah harthama duhawm tak thlengin, kum 13 chuang inkhâwm ngai tawh lo te pawh tihhar tharin an awma, Kohhranhoten an hlâwkpuihle.

Thenzâwl Hermon Vêng Kohhran chuan Dt. 3 - 18 May, 2014 chhûng khân Gospel Logos Team Speaker, T. Upa C. Lalchullova ruaiin Crusade neih a ni a. Kohhran hrang hrang, IKK, Salvation Army, UPC, Baptist kohhran aţangte leh Bial chhûng kohhran hrang hrang aţangin he crusade hi an hmanpui a, Pathian Thlarau Thianglim hnathawh kohhranhote chungah a thleng nasain Kohhranho ten hlâwk an tiin a zawngchhangthlak an ti hle.

Kohhran hming	Pêk zât (Rs.)	Kohhran hming	Pêk zât (Rs.)	Kohhran hming	Pêk zât (Rs.)
Mamit Dinthar Kohhran	5,000	Thingsul Tlângnuam	2,000	Phûlpui Kohhran	5,000
Biate Kohhran	10,000	Vênghnuai	10,000	Peniel Kohhran,	
Reiêk Kohhran	12,500	Armed Vêng North	10,000	New Sêrchhip	10,000
Champhai Vêngthlang		Kharzawl Kohhran	1,000	Fârkâwn Kohhran	5,000
North	5,000	N. Chawnpui Kohhran	1,000	Bilkhawthlir Kohhran	10,000
Salem Boarding Kohhran	5,000	Kawlbem Kohhran	3,000	College Vêng Kohhran	20,000
Ramhlun Vênglai	20,000	Lêngpui Model	2,000	Hmunthar Kohhran	10,000
Bûkpui Bethel	2,500	Marpura Ramthar	5,000	Vaikhawtlâng	5,000
Tuithiang Kohhran	10,000	Khawhai South	4,000	Keitum Dinthar Kohhran	2,000
Tlabung Chawnpui		Thuampui Kohhran	20,000	Bûknuam	1,000
Kohhran	2,000	Sesawng Vêngthar		Maubâwk Sikul Vêng	5,000
Tuipâng Kohhran	3,000	Kohhran	1,000	E. Phailêng Bial KH	2,000
Bethlehem Vênglai	5,000	Ramhlun Kohhran	20,000		
Pângbâlkâwn Hmarvêng	1,000	Vairengte Chhimvêng	10,000	TOTAL	318516
Chhingchhîp Vênghlun	10,000	Mission Vêng	63,516		

SYNOD BOOKROOM CONFERENCE 2014

May 23, 2014 khân Synod Bookroom chuan kum tina an lo tih thîn angin Zosâphluia Building, Mission Vêngah Synod Bookroom Conference 2014 an hmang. Hemi ni hian Mizoram puma Branch hrang hrangte aţangin report leh rawnate ngaihlâk a ni a, kum kalta a Bookroom rawngbâwlina hrang hrang an thlir lêt baw.

Accountant Report aţanga a lan dânin kum kalta khân Synod Bookroom chuan ₹ 11,10,78,631/- zet an thawk chhuak a, kum 1911 a Synod Bookroom din a nih aţangin kum khata an thawh chhuah tam ber tum a la ni. Budget ₹ 6,10,00,000/- chu ₹ 5,00,78,631/- laiin an khûm. Kum kal ta chhûng khân Net Profit ₹ 46,96,092/- lai an nei. Pathian awmpuina leh Kohhran mipuite thahnemngaihna azara hetiang dinhmun an thleng thei hi Synod Bookroom chuan lâwmthu an sawi.

Kum 2013 kha Churachandpur tih loh Synod Bookroom Branch dang zawngte sum hmuh tam ber kum a ni a, a hma kuma an thawh chhuah lêt thawk chhuak thei Branch pathum an awm nghe nghe. Kum 2013 chhûngin Distributor pathum - Ngopa, Zemabâwk leh Lungsenah te hawn thar a ni. Hemi hnu hian kum kal ta a Synod Bookroom Branch tha thlanna result puan a ni a, Rev Lazuithanga, Senior Executive Secretary-in lâwmman a sem. Tehna ki hrang palia inteh a ni a, a ti tha pathumte hetiang an ni-

Pakhatna : Bara Bazar Branch, Aizâwl

Pahniha : Lawngtlai Branch

Pathumna : Sêrchhîp Branch

Synod Bookroom hian Branch 12 leh Distribution Centre 21 a nei mêk.

NURSE HNA ZIR CHHUAKE CERTIFICATE HLANNA

Synod Hospital, Durtlânga kum 2010-2014 General Nursing and Midwifery (GNM) zir chhuake pualin Certificate hlan ni (Graduation Day wawi 12-na) chu May 29, 2014 khan Nursing School Auditorium, Durtlangah hman a ni a; Synod Moderator Rev. K. Lalhmuchhuaka chu Khuallian a ni.

Dr. Vanlalruata, Synod Hospital Director-in Graduation Day inkhâwm hi a kaihruai a, Rev. Biakthansânga, Hospital Chaplain-in hunserh a hmang a, Miss R. Lalchhanhimi, Principal leh Rev. K. Lalhmuchhuaka, Khuallianten thu an sawi. Zirlaite hnênah lâwmman hrang hrang sem a ni a, Best Nurse lâwmman dawngtu chu NI Zosângzuali Kâwlai, Sêrchhîp Vêngchung a ni a, Best Academic Performance lâwmman chu NI Lalpianmawii, Tumpui, Kolasib-in a dawng. Pi C. Lalrintluangi, Nursing Superintendent-in Certificate a sem a; Pi C. Thankhumi, Vice Principal-in lâwmthu sawiin, Rev. Ramdinmawia, Hospital Chaplain-in Malsâwmnain a tîn thung.

Tun tumah hian GNM zir chhuak 26 an awm a. Synod Hospital, Durtlanga Nursing School din tih, 1928 aţangin he School aţanga zir chhuak hi mi 1,150 chuang zet an awm tawh a ni.

GNM zir dîl tumte hriat atân: Kumin aţang hian Nursing Council lamin GNM zir tan hun hi an sawn tlai hret a, October, 2014-a zir tan chauh tûr a nih avângin dîlna pawh August thla aţangin hawn tan a ni dâwn chauh tih thu Principal hnên aţanga dawn a ni - *Editorial Staff*

2015 PUTTLING S.S. ZIR TUR LEH NILAI THUPUI ZIR TUR

Nakkum 2015 khian Puttling lam Sunday School-ah 'Kohhran Thurin', Rev. C. Lalsângliana ziah, zir a ni ang a; Nilai leh Beihruai Thupui zir tûr chu 'Kohhran Leh Ram Hmasâwnna', Rev. Dr. C. Lalhlîra ziah a ni thung. Hêng Kohhran lehkhahu pawimawhte hi chhuah tûra buatsaih tan mêk a ni.

CWM HRUAITU PALI MIZORAM-AH

June 27-30, 2014 chhûng khian Council for World Mission (CWM) hruaitu paliin Mizoram Presbyterian Kohhran an rawn tlawh dâwn a, an châm chhûnga kaihruai chu Synod Mission Board kuta dah a ni a. Kohhran inkhâwm hmêl an hmuh tam duhsakin Kohhran pariat - Zârkawt, Khatla, Ramhlun Vênglai, Electric Vêng, Ramhlun North, Mission Vêng, Tuikhuahtlâng leh Mission Vêngthlangah te inkhâwm tûra tih an ni.